

Sier Panfilo Contarini, <i>quondam</i> sier Francesco	73
Sier Bernardin Minio, <i>quondam</i> sier Almorò	20
† Sier Zuan da Molin, fo podestà a Lendenara, <i>quondam</i> sier Cressi	74
Sier Polo Querini, fo cao di 40, <i>quondam</i> sier Andrea	72
Sier Hironimo Duodo, fo castellan a Riva, <i>quondam</i> sier Zorzi	29
Sier Domenego Corner, fo castelan al scoio di Napoli, <i>quondam</i> sier Donà	46
Sier Alvise Zane, fo podestà in Antivari, <i>quondam</i> sier Thomà	67
Sier Fantin Bragadin, <i>quondam</i> sier Zuan Alvise, fo al dazio dil vin	44
Sier Marco Michiel, <i>quondam</i> sier Polo	31
Sier Michiel Zustignan, <i>quondam</i> sier Polo	43
Sier Giacomo Diedo, <i>quondam</i> sier Zuane, fo sopracomito	39
Sier Filipo da Canal, fo soracomito, <i>quondam</i> sier Piero	38
Sier Lorenzo Valier, <i>quondam</i> sier Simon, fo al formento in Rialto	40
Sier Francesco di Prioli, fo 40, <i>quondam</i> sier Mafio	21
Sier Hironimo Mocenigo, fo patron in Fian-dra, <i>quondam</i> sier Lorenzo	30
Sier Nicolò Dolfìn, fo provedador a Peschie-ra, <i>quondam</i> sier Hironimo	48
Sier Nicolò Balbi, fo camerlengo a Cataro, <i>quondam</i> sier Marco	48

25 *Da Venecia, di 25 zugno.* Avi letere, come le zente francese erano aviate verso Roma; et si ha, per letere di 18, che a di 10 doveano intrar 1000 cavali, il resto va di fuori via. *Item*, di Otranto e Puja, il re Fedrico voler esser in campagna; arà persone 25 milia in campo e favor di Colonesi, e Savelli; et è passà gran numero di stratioti oltra mar, a servizio dil re, el qual voler esser a Selva. Dil successo scriverò di soto.

Dil zeneral, date a Corfù, a di 8. Come scrisse per il gripo, parti con sier Almorò Pixani, *quondam* sier Hironimo, qual non è zonto; hora scrive per via di Otranto. Atende a interzar le galie; sperava presto expedirsi e andar a la volta di Levante. À mandato do galie a la Parga, perchè dubitava di turchi, zoè sier Polo Valaresso e sier Silvestro Trun, posto sopracomito in loco di sier Renier Vituri, qual renontio la galia; et hessendo morto sier Marco Antonio Contarini, provedador in Castel Nuovo di

Corfù, à posto el ditto sier Renier; e à mandato certe fuste armate a la Vajusa, e al provedador Zantani, con hordine vi romagni. El capetanio dil colfo, era stà inpalmar la so galia a Corfù, dovea *statim* ritornar a la Vajusa; e si dicea, da terra, che Camalli era andato a la Vajusa e a la Valona per trazer quella armata fuora.

Item, el duca Valentino era, con certo brigantin, andato a la volta di Roma, e dovea intrar a di 19. El signor Vitelozo, con le zente, dovea levarsi di Piombino, et lassar la impresa in altro tempo.

È da saper, la terra nostra era su gran spexa, per la guerra dil turco; ma Dio provete a quatro cosse, qual tutte, oltra le decime di cittadini pagate e tanse, ajutò assai. *Primo*, li danari dil cardinal Zen, qualli fono da ducati 80 milia e più; *secundo*, la venuta di le galie di viazi *incolumen*; 3.º, il jubileo e cruciata et decime papal *etiam* questo anno; 4.º, che il papa mandì suo legato qui per armar galee; et *ultimo*, la conclusion di la liga Hongaria.

In questo mexe fono electi do savij a terra ferma, sier Alvise Malipiero, fo cao dil consejo di X, *quondam* sier Giacomo e sier Baptista Morexipi, fo di la zonta, *quondam* sier Carlo; soto sier Francesco Foscari, fo savio a terra ferma, *quondam* sier Filippo, procurator. *Item*, do savij ai ordeni, sier Almorò Pixani, *quondam* sier Zuane dal banco e sier Zuan Francesco Miani, fo auditor vechio, *quondam* sier Hironimo; soto sier Vettor Capello, fo savio ai ordeni, *quondam* sier Andrea.

Noto, come, a di 5 di questo mexe di zugno, a Modena fo un gran taramoto, come se intese per letere aute.

Sumario di una letera data a di do zugno 1501 26 a Fosdenovo.

Come el ducha Valentino con le zente andono a le Pomearanze; il loco era provisto e si difiseno; e amazorno di pisani, e fra li altri uno nepote di Vitelozo, el qual più di era stato in Pisa. Et il ducha non à 'uto li primi 36 milia ducati da' fiorentini, e fra l'oro è grandissima discordia; e quelli hanno fato lo acordo è in pericolo; e, per la paura dil passar di francesi, è restati, *aliter* si ariano posto le mane. Non è per manchar, per esser in malissima disposition, et il ducha à distrutto tutto il paese per il starvi suso. Et domenega, fo el di di pasqua, vene a Pontremolo parte di le zente dil re, in numero 4000 a pie'; et 2200 cavalli, fra i qual 1200 tira l'artilarie, che sono 228 charete, fra le qual 30 bo-